

石刻史料新編

第三輯

(二十七)

新文豐出版公司印行

地方類

山東省

東阿金石志	不分卷	清吳 怡纂	001
東阿金石志	不分卷	民靳維熙撰	005
范縣碑文志	一卷	民余文鳳纂	011
登州金石志	二卷	清周悅讓撰	043
福山金石志稿	一卷	民于宗濤纂	087
萊陽金石志	一卷	民王丕煦纂	185
甯海金石考	不分卷	清王厚階撰	197
牟平金石志	一卷	民于清泮纂	203
肥城金石志	不分卷	清曾冠英撰	273
掖縣碑志	不分卷	清于始瞻纂	279
掖縣碑墓志	不分卷	清于始瞻纂	287

平度金石志	一卷	清李	圖撰	301
膠州金石志	一卷	清李	圖纂	323
膠澳金石志	不分卷	民袁	榮纂	351
青州金石志	一卷	清王昌學	撰	355
益都金石志	三卷	清法緯堂	撰	393
臨淄金石志	二卷	民舒孝先	纂	529
壽光金石志	一卷	民鄒允中	纂	549
昌樂金石續志	一卷	民趙文琴	纂	575

清吳 怡纂

東阿金石志

wt47/op

清吳 怡纂

東阿金石志

金石

漢穀城項王墓碑

山東通志在項羽墓前水經註今無

晉柳河圖石碣

張秋志古名柳河川元時重鎮也在鎮城北二十里宋阿境內土人掘地得一晉碑

書二郎神新蛟處

石佛寺有王右軍書

苦山志明多政許用中詩云磨蝎解傳摩詰偈驚蛇猶見右軍書然亦不載其所書字

北魏王雙虎石佛像記

在今運河西岸白洋村石刻大士像一區字鐫背上文曰大魏武定二年歲次甲子十二月辛亥朔四日甲寅東阿縣王雙虎法儀五十五人等知身無常財非已有是

以譚竭家珍敬造觀世音石像一區上爲皇帝陛下州郡令長師僧父母因緣者一切衆生咸同福慶餘俱法名宇

隋建東阿王書植神道碑

泰安府志開皇十二年立在縣西八里魚山東阿王墓側王士禎云書法雜用篆隸八分甚古考歐集古錄趙金石錄及金鑑琳瑯石經華命石志俱失載

按此碑現在王墓側碑高七尺闊四尺殘缺十餘字餘俱完好如故相傳國朝土人自大清河內撈出者故歷代失載碑文詳見藝文志

唐黃石公祠碑

兗州府志在縣北里許黃石公祠天寶年七月布衣李卓撰裴平八分書碑陰有題名

唐華村石刻

泰安府志在縣西南五十里土人掘地得一石碣上書唐華村三字

東阿縣志

卷之四 古蹟

一五

清康熙庚午年春書

變水石

兗州府志宋淳化間兗州府北境石佛寺井內有小石碣一上刻龔英稽魯真言二十七字後人遂指碣爲變水石今其井在寺山門內石之有無不可知然其水時且露異於他處

鸚鵡圖

張秋志在掛劍臺壁上宋真宗筆通政韓鼎治河時掘地得此

宋黃石公祠石刻詩

在城北黃石公祠東壁草書五言古詩云我昔讀漢史心師張子房從容輔漢室功成復翺翔皆由受師訓知進退存亡我本田舍兒本志在退藏在綠遇真主招聘助發揚五年寄京國心志不皇皇口山宿志定萬事皆批糖今日得歸來素志今得償續舟阿縣下騎馬達祠堂伏仙遺像我志愈激昂口口東村往心祈契空蒼鹿可兒張子侍翁入帝鄉末書宣和二年九月二十四日厭次劉口仙尉張忠范陽范朴

羽人張昌道聯駟同來

黃石公祠石香爐款識

在黃石公祠石香爐三足下每足作字二行共九十七字鄆州東阿縣秦村左班殿直前訓練博州軍馬公事王中立全家造末書匠人樂白其書法出入蘇米之間東坡碑

在張秋掛劍臺季札祠西壁書韓昌黎柳州歌嘉慶八年河決祠傾巡撫鐵保釐至省城今在濟南書院

金廣誠院慈氏菩薩碑

在城北七里鐵塔寺金皇統四年邵世衍撰邑人成章書岳世寶篆額書法宗多寶塔近日掘地得之

元東平郡公札刺王桓肅公神道碑銘

泰安府志在東阿縣之香山禪祐入年八月立趙孟頫撰并書

東阿縣志

卷之四 古蹟

一六

濟南芙蓉街十夜書店印

民靳維熙撰

東阿金石志

民靳維熙撰

東阿金石志

金石

唐天寶造像石塔

舊名鎮城塔原在縣署東大街壽聖寺內後改爲城守汛署復售作民宅此塔遂於民國八年移置縣署東花廳下有蓮花盆座今不存現方石座上有正德癸酉秋八月吉旦僧會遺恩同濟南商人宋泰建二十一字

按石塔範圍正中一佛坐像左右二佛俱立像

龍門外左右各一佛俱立像

龍門外上方中一佛坐像左一佛騎象右一佛跨虎略上正佛兩旁又各一佛俱作

側臥像

再上層前面中一佛坐像左右各一佛立像 左題口口徐日慶供養佈 右題何

口口供養佛時 略外左右又各一佛跪像

左面三佛俱立像略外左右各一佛立像作捧扶狀 左題李天德供養佛時 右

題口口供養佛時

右面三佛俱立像偏右一佛立像作捧扶狀

後面三佛俱立像

又龍下層前後左右四面各三佛俱坐像前面有字三行一行有比丘尼四思五字

餘不辨左面有殷承光造佛一節七字

龍後刻佛頂尊勝陀羅尼經咒端楷秀潤字尙完好

龍左刻維大唐天寶五載歲次丙戌十二月朔戊申二十六日癸酉比丘尼修善敬

造石塔一所上爲天皇天后下爲師僧父母往生法界下缺

唐阿彌陀佛經幢

原石不知在何處有云在少岱山觀音大士閣前者今移縣署東花廳與石塔對峙

按經幢六面第一面佛居極巔重臺跏趺坐下刻佛說阿彌陀經每面五行前三四

行漫漶不可讀中十二三行八九完好未三四行殘缺大半字極謬戾較整用筆在

裴柳之間借剝落太甚年月亦無考

唐吳道子畫觀音大士石像

石在少岱山碧霞宮西偏白衣閣內北壁上係明邑人秦泰令長子時由署內衙神

廟掘井得之任滿載以俱歸奉於家祠康熙年間知縣張楷始移於此構小閣以奉

之詳見縣志雜錄

濟州穀城黃石公祠記 碑陽

黃石公祠記 碑陰 記文載前志藝文

寸標題及碑文共十九行每行三十六字隸書字徑六七分碑陰題名共十三行字體真草不一年月亦前後失次似非一時所題茲並載之

天平觀碑記 詹維高撰 記載入藝文志

洞玄弘化敷教大師法師前贛州路道判廣信龍虎山晚褐 大元皇慶元年

按此碑記由採訪冊抄稿送局字體行款俱未載明茲姑錄碑記入藝文餘俟考

尼僧口口道增墓塔記

在黃石廟東二里塔高丈許共五級有圓如甌者有八棱者有蓮花盆式者最下一石有四六句記文一四言偈十六句爲明嘉靖癸亥孟夏吉日經按直隸監察御史博平豐登丘中學撰記俱載藝文

民余文鳳纂

范縣碑文志

范縣縣志 民國二十四年續修

藝文志第十二

藝文 碑文 雜著 詩章

藝文志文也文也而事麗乎其中有因革有損益有廢置凡

國計之盈縮民生之利病吏治之得失人物之盛衰風俗之淳漓
統於是乎備焉故即今昔不同瑕瑜互見亦附存之以俟後補救
之君子留心考證雖詩亦猶是也詔詔然八景云乎哉 霍之瑄

碑文上

重修范縣館驛記 卽今妙應侯廟

宋李 侗

宣和三年冬運使龍圖李公再總漕權越明年秋八月巡按西

范縣縣志 藝文志 碑文上

路至范館觀其廊廡淺隘堂堂卑陋瓦無鱗次以庇風雨牆無崇
仞以待暴客顧縣令謝茂迪曰范肇自宣子縣於秦漢號爲通衢
凡京左郡邑取道趨都城者往往由是况俗嶽峙其東春時四方
謁祀者肩摩踵接朝廷降香之使舍於茲館者殆無虛日獨頽弊
若此其能無貽客憂乎可爲完之謝令遵承具其事請於州州請
於漕司得錢十萬擇材於林陶甃於野命工於市未幾而闕廳事
增廊宇遷堂於後大墻垣而繚之軒窗以明牖以潔庖廐吏舍無
不得其所客之復來者莫不駭嘆今昔之異冬十月謝令董役於
此侗偶攝是職實當落成之際竊嘗觀鄭子產如晉壞其館垣而
納車馬深罪晉不能經營文公崇大諸侯之館士文伯往復詞命

曲折備至晉終爲之築館高閑閤而厚墻垣無貽客憂豈非通邑
之先務乎李公命之謝令成之其有在於是邪苟無以識之則後
之來者特喜斯館之完美未必知謝令之力者未必知李公之經
始侗輒自忘其固陋而書之宣和四年十二月

重修范縣宣聖廟記

元楚惟善

范之宣聖廟肇自有宋國初一嘗加葺殆今百年棟楹瓦甍腐
毀且撓丹雘藻繪彫剝不鮮前此爲是邑者漫不加省元統甲戌
燕人郭侯夢起來尹下車卽以鼎新爲任弗果二年政成乃捐已
俸爲之倡衆相合附遂新正殿三間兩廡如殿之數而加其二神
門講堂如兩廡之半而去其一靈星垣墉之隳者立堂廡階級之

范縣縣志

卷六 藝文志 碑文上

二

濟南志遠印刷局製印

夷者理嚴像主節豆邊廟貌禮具煥然一新至正甲申秋霖雨大
作彌月不止山東州郡率爲水浸廟之門廡兩齋復圯於水時趙
人莫侯世榮泣政將因其舊蹟而新之適災沴饑饉之餘摩撫輟
養民生頗遂乃徵工就庸不日落成於戲二侯爲政可謂知先務
矣昔韓愈氏言自天子至郡邑守長通得祀而遍天下者惟社稷
與孔子以王者禮巍然堂座以門人配自天子庶人皆北面而師
之自古得常祀者莫如孔子之盛又引孟子所謂自生民以來未
有孔子其賢過於堯舜者證之或者謂古稱夫子之德者莫如孟
子而稱夫子之尊者莫如韓愈氏竊謂夫子之德固如孟子所云
而夫子之尊自夫子視之固不以是爲輕重其尊之與否自有國

有家者言之所係爲甚重也蓋夫子之心卽舜禹有天下而不與焉之心尊之固無所加卑之亦無所損然君臣臣父父子子五常賴之以有立者以吾夫子之道也向微吾夫子人類或幾乎熄矣故尊則治否則亂尊與不尊治亂之由分也若二君爲政首以尊夫子爲心其政之有成也固宜他若簿尉幕僚之賢其樂於贊成者是雖天理之在人心有不能自己者抑亦二侯之化有以致之也是宜記時至正乙酉三月

重修范縣妙應侯廟記

元劉濟

范之西南十里有古潭謂之黑龍潭中有神龍能雲雨每遇旱暵祈請有應前宋熙寧中州守閭邱公雨雪愆期凡三禱於神野

范縣縣志

卷六 藝文志 碑文上

三 濟南志遠印刷局製印

即雲升雨雪隨降獲霑足歲皆豐穰公遂請於朝乃受封爵厥後不惟斯境祈求雖千里來請雨者皆有感應蓋神者聰明正直雖興雲致雨以福郡邑須守令有德者感之斯應也大定二年武義高公來爲是邑廉潔惠民訟理姦息下車未久善政之跡已歌於民越明年季春不雨辭麥將槁公率官屬以牲牢禱於祠下十有二日雨大降苗勃然興此所謂有德以感於神也舊有廟在潭北宋季燹於兵雖再修建粗有廡廊公獲神之應遂捐俸鼎新不取於下堂廡嚴整登獻以答靈貺於是廟貌宏壯俾遐邇來禱者莫不彰神之靈也時大定辛卯秋九月

重修縣治碑記

邑人范紀

范之源流其來遠矣觀孟子自范之齊之語可見范爲自古名邑昔春秋時以此地爲晉大夫范宣子采邑厥後爲州改縣又歷代因時更制之宜以禹貢考之地屬兗州之域境內秦臺古蹟乃魯莊公所築以是徵之范爲魯地不謬舊趾在邑治南距二十里許彼因河水泛漲淤墊縣治徙於茲南有大野潞水北抵古河淤灘東有清水鉅河西距馬陵古道俗美民淳非他境可類初遷時圖式布置有術凡諸制作舉皆陋無飾後因歲月滋久風雨撼頓公堂瓴甌滲漏廟宇泥飭剝落後之來尹者口道欲修力莫能逮蓋因其工之大費之廣其成尤不易故因循至今焉迨至成化戊戌歲范公來尹下車以來不期一載民安物阜因其時治可爲

范縣縣志

卷六 藝文志 藝文 碑文上

四

濟南志遠印刷局製印

舊志重修晝夜撙節不安寢食設法措置物料諒日命工經營傾圯者葺理之不堪者改作之首建明倫堂延袤崇聳次修兩廡更其舊基樣體棋圍又於學後隙地新建尊經閣鱗瓦稜層垂簷雨滴陶彩脊以華其上塗黝堊以輝其側高聳冲霄上接雲衢凡往過而覲者靡不駭目而聳讓焉以至分司公館廟宇壇場殆及城垣門禁罔不用心而修葺之茲當落成之日耆老邢端高舉等念尹秉心之淵徵文以紀成績愚輒忘其固陋姑撫其辭而書之命匠鑄於石樹於儀門內以垂不朽俾後之爲尹者有所景慕而勸焉尹姓范名錦襲網其字順天府霸州望族裔也時大明成化十年歲在癸卯冬十一月之吉